


مجموعه آثار آیت الله العظمی

ادبی و سیاسی رساله: اسبوعیه در

۳۰ نجی سنه



۱۸ جمادی الاخری ۱۳۲۹

پنجشنبه

جزء عدد : ۱۰۰

فرماصونلق

خلق عندنده صورت تقیسی :

بولفظ ۰ یارم عصردن زیاده بر زماندن بری لسانمزده - کفریاتک مرتبه
قصواسنی افهام ایدن - صفات ردیه نک اشعی اولق اوزره استعمال اولمقده بولمشد.
کله نک متنده اویله بر معنا مند مجدر ، که بر شخص ، شخص آخر حقنده واقع اوله جق
دشنامی دها مؤثر قیلق ایچون (فرماصون) صفتی اڭ صکره یه براقیر .

قاتل و یا آمر قتل جناب حسین اولمسندن طولانی محب اهل بیت اولانلر عندنده
(یزید) اڭ اسمی نصل بر نفرتله یاد اولنور و یا خود (یزید) تعیری نه مفهوم افاده
ایدر ایسه ، بزم خلق عندنده دینسزلاک ، منکرلاک ، ملحدلاک کبی هر درلو قیود
تکلفدن تجرد ایتمش بر (زندیق) ایله بر (فرماصون) مساوی طو تلمقده در .

عجیب‌بوبر حقیقت‌یدر؛ یوقسه عن جهل حاصل اولمش برظن باطل نتیجه سیمیدر؟
 بوراسنی تدقیق لازمدر . چونکه شایان تأسّف سائر برطاقم حائلر کبی، افکار
 مخصوصه اصحابی، ده‌ا طوغریسی ستره صلاح وحهیتله اخفای مقاصد ایدن
 بدخواهان، بوکله‌بی‌ده - عوام غندنده کی تأثیر معنویسندن استفاده فکریله -
 ایسته‌دک‌لری ویا ایستمدک‌لری اشخاصه صفت سیئه‌اوله‌رق عطف واستعمال ایتکده‌درلر.
 خصوصاً هر وسیله‌دن شخصی بر منفعت استحصانده ماهر اولانلر من عوامک
 مراقفی تحریک صورتیله بوکله‌بی‌ده آلت استفاده ایلکدن کیرو طور می‌ورلر .
 مثلاً: (له‌نونا قسیل) کبی صفحات حیاتی صرف تأمین منفعت بولنده هر درلوشم‌رانی
 ارتکاب‌ایله لک‌دار ایتمش بر (شارلاتان) ک مؤلفاتیله استشهاد ویا اولیله بر حریفدن
 استمداد غفلتند بولنیورلر .

له‌نونا قسیل اولیله بر آدم ایدی که گاه راهب کسومسنه التجا ایدرک مؤمن اقایم کچنیر
 وکاه بولباسدن انسالخ ایدرک عقاید اهل کتاب‌ایله اکلنیردی. زتی عوامده بولندی
 صرده (بیل آموزانت) دیه تصاویر سخره آمیزایله توشیح ایتدیکی تورانی آغرنجه
 آلتون مقابلنده (واتیقانه) صائار، متعاقباً خلاف عهد اوله‌رق باصار نشر ایدردی.
 یاره‌سز قانجه ینه جمعیت ره‌بانییه التجا ایدر و آنلر فصل ایسترسنه او یولده تأب
 و مستغفر اولور. بوسفرده (جزوینلرک مقاصدی) عنوانیله بر کتاب یازار آنلردن
 یاره قوپارمغه چالیشیر؛ موفق اوله‌مینجه ینه قیافتنی دکشدیرم‌رک عوام آره‌سنه
 قاریشیر .

کونک برنده‌ده بردوستنک دلالتیله (فرماصون) لوجه‌سنه کیرر. ده‌ا اول-
 مراتبده ایکن منتهاسنه واصل اولمشجه‌سنه (فرماصونلق) حقنده برطاقم اختراعات
 واسناداتی ناطق رساله‌لر یازار؛ و صرف مراسم ابتدائی‌سنه عبارت اولان اصول-
 قبولی خیالاتیله مرج ایدرک رومان طرزنده تدوین ونشر ایدر. بالطبع اورادن‌ده
 مظهر درد اولور .

ایسته بوگون مملکتزده (فرماصونلر و مسلک و مقصدلری) نامیله نشر ایدلمکده
 اولان کتساب بو حقه‌بازک اثر تصنیبی در . حال بوکه اوتدن بری اذهان عوامده

بر مذهب سقيم ماهيتنده يرلشمش بولسان فرماصونلغك شوكا بوكا اسناد و مال ايدلسيله مملكتنده برفته ايقاعنه چاليشلديني بر زمانده بوكي نشرياتده بولنلق نظمزجه يانغينه كوروكله كيتك قيلندن برصنيعه سيئه ارتكابلندن بشقه برشيئه محمول اوله ماز .
فرماصونلغك اساسي :

آنسيقلو پديلرگي، اطلاعات بشري صحائب ريب و گماندن تخلص ايله ساحه منوره حقيقته ايصالي درعهده ايتمش مؤلفادن ده طوضري ، ده بيطرف برمتبع تصور اوله ماز . زيرا آنره هيچ بر وقت ، هيچ بر صورتله كذب ، افترا ، تغليط گكي اغراض نفسانيه خلاصه لري فرجه ياب دخول اوله ماز . بالعكس اوكتسابلري تاليفدن مقصد كافه اطلاعات و تلقينات و عنعناده خلق صوابه ارشاد و غايه ايسه معلومات بشري على قدر الطاقه توسيع و اكملدر . بناء عليه بزده (فرماصونلق) مجتمده آنلرك مسروداتندن استعانه و استفاضه ايتك ايستيورز :

ايشته آنردن بري شويله سويليور .

فران - ماصون :

« فارماصونلر يكديكريني قرداش كبي تلقى ايدهدرك ، هانكي مليته ، هانكي صنفه منسوب اولورلر سه اولسونلر ، هر يرده جمعيتلرينك افرادين ابراز معاونت ايدرلر . جمعيت بعض شرائط دخولييه به رعايت ايتك قيديله انتساب ايديلور ، و انتساب ايدلنجه جمعيتك اسراري فاش ايدله مكى عيمن ويريلور .

بعض تاريخ متخصصلري فارماصونلغك مبدأني يونان و يا مصر قديم خرافاتنه قارشدير مقمده ، حق حضرت سليمان دورينه قدر ايصال ايتمكده و قصر بلقيسك بناسي اولان (هرام) نام مهماريده جمعيتك ايلك رئيسي اوله رق گوسترمكده در . فقط مؤرخلرك اكثرى ، تدقيق و تتبعده معقولات داره سنك خارجه چيقيمور ، و سكزنجي عصر ميلاديده اوروپانك برچوق يرلرنده بالاتحاد (غوتيق) اسلوبنده كليسالر بنا ايليان بعض ديوارجيلري مؤسس اوله رق طانمق ايستيور . مرور زمانله تشكيلات اساسيه سني غائب ايدن بو جمعيت ، فن مهماري به آشنا اوليان كيمه لرلك ده

اكتساب ايدىكى تحميين اولمىقىدە در. مالا و سارە كې دىوار جىلغە ئاند آلات وادواتك (رموز) مقامندە الآن استعمال اولمىقىدە شونىمىنى تقويه ايدەجك بردىلدر .
 فارماصونلرك اسرارى بك جوق زمان كتم ايدلمش ايسەدە بالآ خرە تدرىجآ افشا اولمىشىدر . فارماصونلق وضع اساسى سندن چىققىدقن صىكرە خير و حسناتى كندىنە مشغلە ايدىنەرك بر تعاون جمعى شكلنى اكتساب ايلش و عين زماندە سياسيات ايلەدە اشتغال ايلمىشىدر . دىوارجى اولگىسى ، كونيە ، پركار كې آلانك علامت اتخاذا ايدلمىسى ، جمعىتك خاطرە تاريخىيەنە ، ماضىيەنە رعايتدن بشقە برسبىە معطوف دىكلدر .
 ۱۷۷۲ تاريخىندە فرانسەدە « غراند اوريان » عنوانىلە بر ماصون شىبەسى تأسس ايلش و ۱۸۰۱ دەدە اسقوجيا شىبەسى احدات اولمىشىدر . فرانسەدە الك زيادە رغبت كوردن بو ايكى شىبە ، انكلترە دە تأسس ايدن بر اوچىنى شىبە ايلە برابر دىيانك هر طرفندە بك زيادە رواج بولمىشىدر .

فارماصونلرك اجتماعكاهنە « دستكاه » ويا « لونجه » تعبير اولنور . ريسلرينك عنوانى دە بين الاخوان (ونه رابل) « محترم » در . فارماصونلقدە اوتوز اوچ رتبەيە منقسم برسلسلە مراتب وارددر . الك آشاغى رتبەلدە چراقلر ، قالفلر ، اوستلر بولنور . الك يوكسىك رتبەيى احراز ايدەرك تفتيش عمومى وظيفەسىنى ايفا ايدنە ايسە (حكمدار) اطلاق ايدىلير .



هر بر جمعيت خصوصىەنك كندىنە مخصوص و افرادىنە محرم بعض سرارى اولمىقى طبعىي در . فرماصونلق ايسە اون سىكزىنچى عصر دە ، كه ظلم و استبداد مرتبە افراطە وارمش و بر طرفدن پاپاسلرك ايدى تسلطى كردن افرادى بوغەجق برىنچە اعتساف قوتى اكتساب ايتمىشى ، بو ايكى باشلى بلای مقاومتفرسادن تخلص كرىيان ايچون تأسس اولمىشىدر . شىبە يوقدر كه ديدە رولر ، دالامبرلر ، وولترلر كې ، اهالى يى اشراء استبدادك ايدى تغلبندن قور تارمىنى مقصد ايدىنان و بولندقلرى عصر ك اعظم اوليائى نمىدن معدود اولان سروران ملت ، كندى قوت و اهميتلرندن خبردار اوليان خلقى ايفاظ ايچون عقد انجمن مشورته مجبور ايدىلير .

او دور ایسه - برمنونه سی بزدهده گورلمش اولان دور اعتساف کی - بر دور
ظلم وعدوان ایدی که بزده کی جاسوسلره مقابل اوزمانده (لتردوقاشه) دینلان
مهر حکمداری حاوی آجیق ورقه لر واردی . آتی حامل اولانلر ایستدکلری
آدملرک اسمنی یازار وایستدکلری محبسه القا ویا محله اجلا ایدرلردی . ایشته بو حکم
مطلقدن قور تولق . او حکم مطلق قوتی احیایه متوقف ایدی . آتی ایسه
(فرماصول) لوجهلری در عهده ایدی . افرادینی حسن انتخاب و انتخاب ایتدکلرینی
مقصد معزز تشریک ایدرک . نهایت ۸۹ انقلابی وجوده کتوردی .

ایشته فرماصولغنی و آنک مقصد و غایه سندن خبردار اولمیانلری (دینسزک)
شکلنده تصویر و اغفال ایتمک ایستیانلر . استبدادک معین حسیلری . و یا معین
و مستفیدلری اولان پاپاس طاقدیر ، که دنیانک هر طرفه بو شایعه سقیمه یی نشر ایله
فرماصوللری (ملعون) کوسترمکی وظیفه ایدمشلردر .
بو ذهابک بزده دخی شیوع و انتشار ایله برابر خلق عنده کی صورت تلقیسی
شایان حیرتدر .

فی الحقیقه هیچ بر حقیقتدن . حتی حقوق طبیعی و سیاسیه سندن خبردار
اولیه جق در کده کورانلر بر جهل ایله وادی تعصبده پویان اولان قوملری اغفال
پک قولایدن . ایشته بو مطالعه به مبنی درک و قتیله بر شاعر حقایق آزمامن :

باطل همیشه باطل و پیوده در ولیک
مشکل اودر که صورت حقندن ظهور اید

ییتنی سولشدر .

شبهه یوقدر که اقوال و القات باطله پک آز زمانده کندینی کوستریر . کونش
بالجمله صیوانه میه جنی کی ، نور صرفانه قارشی هیچ بروقت ظلام جهل وعدوانده دوام
ایده مز . فقط باطلک . بطالاتی بیلدیکی حالد خلقه حق صورتنده تلقینده بولنانلر
اولور ؛ و نور صرفان دخی هنوز مغرب احتجاب سندن مشرق انفلاقه انتقال ایتماش
بولنور سه عوامک جهنمدن استفاده ایدنلر دائماً هر فرصتدن انتهاز ایدر جکدر .
و بوحاللردن ده بی اشتباه پک سقیم نتیجه لر حاصل اوله جقدر .

فرماصونلق نامنه مملکت مزده موجود اولان عقیده سقیمه دن استفاده ایتک
ایستیانلره قارشى اوج سنده دن برى شهر مزده نشر ایدلمکده اولان (عثمانیشر لوبد)
غزیه سى دخی شایسته تقدیر اولان مقاله آتیه یی نشر ایتمشدر :
فرماصونلق :

« اتحاد و ترقی فرقه سنده اجرا ایدیلان هجوملری بحق کوسترمک اوزره
ایلرویه سوریلان الک مهم اسبابدن برى ده فرقه اعضاسندن بعضیسنک (فرماصون)
جمعیتنه منسوب بولمى در . حق فرقه یه قارشى روا کوریلان هجوملر ، ممالک
عثمانیه ده موجود فرماصون (لونیجه) لرینه کیزلیدن کیزلی یه برطاقم بیتانلر اسنادی
صورتیله باشلامشدر ؛ دینله بیلیر .

فی الحقیقه تایمس غزیه سنده - خاطر مزده قالدیغه کوره - کچن صوگ بهارده
نشر ایدیلان بر (قاهره) مکتوبی ، اوزمان داخلیه نظارتنده بولان و فرماصونلر
میاننده پک مهم بر موقعی حاز اولدیغی ادعا اولسان طلعت بکی انظار عمومیه دن
اسقاط مقصدیله یازلمش اولسی تأمل ایدیله جک اولورسه ، هجومک مبدائی تا اوزماندن
باشلار .

تایمسک نشر ایتدیکی بومکتوبده فرماصونلق ، دینسزک ایله تفسیر اولمقده
ایدی . مخالفین طاقی ، قایینه نك سوریه یی یهودیلره صاته جنى شایعه سنى نشر
ایتدکلری وقت ، فرماصونلغه دینسزک اسنادندن ماعدا برده بوجعیتک ، نفوذ
و تأثیرینی بتون جهانیه تشمیل ایده یئک مقصدیله یهودیلر طرفندن تأسیس ایدلدیکی
صدیه سنى ده اختراع ایلشدردی .

فرماصونلغک دشمنلری ، کیرشدکلری مجادلده شمدی یه قدر برصورتله استحصال
موقعیت ایدمه دکلری ایچون اوله جق که احراز غالبیت یولنده قوه قلمیه ایله صرف غیرتدن
کیرو طور ماقده درلر .

شوگونلرده (له نو تاقسیل) ک « فرماصونلغک اسرارى » نامنده کی اثرینی
رومان شککنده تمثیل ایدرک سوقاقلرده جزؤ جزؤ نشر ایتلری ده بونی مؤید
حاللردندر . عجیباله نو تاقسیل کیمل اولسه کرکدر ؟ سانسور تضییق ملک .

عثمانیده اجرای دهشت ایتدیکی صرملرده بو حریفك نامی قاله آلتامغه محقق
بك زیاده دقت ایدلمش بولنه جنی ایچون عثمانیلرلك اکثری بومعروف مزوری ،
شهسز ایلک دفعه اوله رق شمعی ایشیدبورلر . ۱) تزویرده کی اقتداری نسبتده
جراثکار اولان له ئوتاقسیل اولار ره بان علیهدارلنی ایله کندینی طامتش ایکن
بالآخره پایاسلق سلکنه انتساب ایدرلك ۲) فرماصولنی تدلیله بذل غیرت و حصر
موجودیت ایلش و بواکنجه لی مسئله بوزندن برخیلی فوائد استحصال و تأمینده موفق
اولمشدر . برناودان زهد و تقوی گبی . قلندن دیاتی صیانت و مدافعه ایدیچی کلات
جریان ایدرکن ، زوجه سنه ، ره بان علیهنده تأسیس ایتمش اولدینی برکتبخانه
اداره ایتدیررلك ، آنده برطاق آثار فاحشه و مستهجنك رواج انتشارینه وساطت
ایتمك دناشده بولمشدر .

ایشته کنج ترکاری انظار ناسده سقوط ایتدیرمك مقصیدله مراجعت
ایدیلان تدیرلردن بریده بو بیوک شارلاتانك متروکات قلمه سندن اولان اثرک
ترجه ونشریدر .

مسلمانلر ، فرماصولق اساسلرینك عقاید اسلامیه بخالف اولوب اولمادیغنی بالاستقرا
تمیزه مقتدر اولق ، بشقه لرینك ارشاداتدن مستغنی بولنق لازم کلیرسهده ، ماصون
لونجه لرینك ایجابات دینیده مبالاسمزلق کوستریور ، دینسزلکی التزام و ترویج
ایدور ، و یا ، یهودی آمانه خدمت ایدور گبی اسنادات ایله تدلیله قارشی سکوت
ایتمك ، بو حقسنزلی رد ایچون بر قاج کله ایله مدافعهده بولنماق لایق دکلدر .
اول امرده شدت و قطعیت ایله رد ایدیلر جك اسنادات ، لونجه لرلك ، واجب الوجودی

۱) عثمانیشر لوبدك بوظنی شایان تصحیحدر ، عثمانیلردن السنه اجنبیه واقف
اولانلرک هان کافه سی ، له ئوتاقسیلی ماهیت حقیقه سیله طانیلر . لسان آشنا اولیانلر مز دخی
(کتابخانه ابوالضیا) صرملنده نشر ایدلمش اولان (جزویت جمعیتی تاریخی) نامنده کی
آوریه ۱۸۸۵ سنه سندن بری طانیملردر .

۲) عثمانیشر لوبد بوخصوصدهده مساعیه ایتشدر . چونکه له ئوتاقسیل ده اکنجکلکنده
پایاس سلکنه داخل اولمش و صکره ترك ایتمش ، براینجی دفعه ده بعدالتوبه داخل اوله رق
قط بودفه اولنمش اولدینی تحقیق ایتسی اوزرینه طرد ایدلمشدر .

انکار ایندیکی حقیقه کی افترا و ادعادر . بالعکس جناب حق اعتقاد ، فرماصونلغك اساسلرندن بری اوله رق ، بر دینسز هیچ برماصون لونجه سنده جای قبول بوله ماز . شو بیاناتی موجب تردد کورنله . بیوک فرمدریقندن اعتباراً ایکنجی ویله قدر پروسیا قرالارینک کافه سی قناعت قلییه ایله فرماصون اولدقلرخی اخطار کفیدر . واقعا قصر ویله ماصون جمعیتنه انتساب ایتماش ایسه ده ، آتی تحت حمایه سنده بولندیرمفی یکنی پرنس لئوپولده توصیه ایلشدیر .

بیوک فرمدریق استثنا ایدلدیکی حالده بو حکمدارلرک کافه سی ، صلابت دینه لرله تمیز واشتشار ایتمش ذاتلردر .

انکلتزه خاندان حکمداریسی ارکانندن (دوق اوف قوناوت) فرماصونلرک سر آمداندن اولدیفی گبی اسوچ و دانیمارقه ده دخی حکمدار خانداندن بوجعیته یک جوق پرنسler انتساب ایلشدر . حکمدارلرله ، حکمدار اقلارینک خصوصات دینه ده اولسون ، امورسیاسیه ده اولسون ، افکار و تمایلات تجدد پروراننک مشوق و حامیسی عد ایدیلهمیه جکلری عالمک تصدیق ایدمجهکی بر حقیقتندر . نته کیم فرماصونلق پروسیاده تاریخ ظهورندن بری محافظه کارلق مسلکنه ۱۱ تمایل گوسترمش وبوسبیله پروسیانک عموم لوجهلری یهودیلره مسدود قالمشدر . حقیقت بورتبه مبرهن ایکن فرماصونلغك یهودیلر طرفندن احداث و تاسیس اولندیغنی اوکته سورمک یک زیاده غیرمعقول اولمازمی ؟

اتحاد و ترقی فرقه سیله آجیلان مخصوصه ده لوجهلرک یهودی نفوذی آلتنده بولندیغنی ادعاسنی اورتهیه چیقارمقدن مقصد نه اولدیغنی ، بوادعا ایله کیمک علیهنده حرکت ایدلدیکی فرق ایتمک یک قولایدر .

ممالک عثمانیه ده موجود لوجهلری یقیندن طانییو رسه قده ، اگر بولوجهلر کندیلرینی بین الملل مؤسس اولان فرماصونلق جمعیتی ارکانندن عد ایدرک عین تمایلاتی اظهار ایدبورلرسه ، هدف حرکتلری بنی بشرک معناً ، اخلاقاً تکملانی

تأمين ايتمك و رفاه و سعادتتى استحصالة چالشقى كې غايه لردن بشقه برشى اوله ماز .
 يوقسه بويله بر مقصد خيره ساعى اولمق ده مى چير كېن كوريليور ؟
 فضيلتكار لقمده ، خادم حسنات اولقمده رقابت ايدرجه سنه ايلرويه وارمق
 سعادت عموميه بشره ينى تزييده سعي ايتمك وظيفه محسنه سى فارماصونلغك غايه
 موجوديتى اولمغله ، جمعيت بو وظيفه سنى اجرايه بذل غيرتدن هيچ بر صورتله آيرلميه جقدر .
 بو حقيقتك تسليم و تصديقتى ايسه مطلقا فرماصون اولمغه متوقف بولناماق
 لازم كلير . »



له نونا قسليك رومان طرزنده كى اثرىنى ترجمه ايدنلر طرفدن يازيلان مقدمه ده :
 « محاككات مجهولات اوزرينه بنا اولنورسه طوغرى نتيجه چيقماز » دىنلدىكن
 صكره : « مملكتهمزده ماصون لوجه لرى آچيله لى اوتوز سنه اولمشدر . » قوليله كويا
 معلوماته بنای مسرودات ايديليور .

استانبولده ايلك فرماصون لوجه سنى ۱۸۵۷ ده درسعادت انكلتره سفيري
 بولنان سىرهازى بولور بيوك دره ده اسمنه نسبتاً (بولور لوز) ناميله تأسيس
 وكشاد ايلمشدر .

برسنه صكره ۱۸۵۸ ده ده فرانسه سفيري طرفدن (نونيون دوريان) ناميله
 برفرانسز لوجه سى آچلشدركه پارس (غران دوريانى) نك طوغرىدن طوغرى به
 شعبه سى ايدى .

مؤخر آرمينلر طرفدن ۱۸۶۰ ده (سرلوز) ناميله بر لونجه كشاد اولمش
 ايدى . بولوجه ، مباديسنده اعضائى ارمينلر تخصيص ايلش ايسه ده ايلروده دوچار
 سوء ظن و مؤاخذه اولماق ايچون براز صكره اوده سائر لونجه لر كې هرملته
 منسوب اعضا قبول ايتمشدر .

۱۸۶۹ سنه سنده نونيون دوريانه منسوب اولان اعضائك ثلثاتى رجال مهمه
 عثمانيه تشكىلى ايتكمده ايدى . حتى خاندان سلطنتدن برده پارس داخل
 ايدى . على ، وفؤاد ، وفاضل مصطفى وراشد و طولجى متصرفلغده وفات ايدن

سلیمان پاشا ، وادهم برتو و منیف باشا و سائر امثالی اکابر بوجعیتہ انتساب
المشردر .

آز چوق افکار منوره صاحبی اولوبده رحیق سربستی ایله سرمست اولان
ترقی پروران اسلام کاملاً بوجعیتہ داخل اولمشدر .

بوگون وجودیله مباهی اولدیمیز مشروطیت ایسه اوجعیتہ سالک اولان
عرفای اسلامک مزرعه افکاره صاجدینی تخم سربستینک ثمر اتندندر . بونی بوگون
انکار ایدنلر بولنسهده ، صحائف وقایعنه قید ایتیش اولان تاریخ هر زمان محافظه
حقیقته کافلدرد .

ابوالضیا

